

Sibthorp, John ; Smith, James Edward [Editor]: Flora Graeca, sive plantarum rariorum historia, quas in provinciis aut insulis Graecis legit, investigavit et depingi curavit John Sibthorp: hic illic etiam insertae sunt pauculae species quas vir idem clarissimus, Graeciam versus navigans, in itinere, praesertim apud Italiam et Siciliam, invenit (Voluminis quinti- Fasciculus primus): Vol. V.

London, 1825

Seite 126

(32)

DECANDRIA PENTAGYNIA.

COTYLEDON.

Lin. Gen. Pl. 229. *Juss.* 307.

Calyx quinquefidus. *Corolla* monopetala, tubulosa, quinquefida. *Squamæ nectariferæ* quinque, ad basin germinis. *Capsulae* quinque, superæ.

TABULA 444.

COTYLEDON SERRATA.

COTYLEDON foliis oblongis obtusiusculis cartilagineo-serrulatis; radicalibus aggregatis; caulinis alternis, racemo terminali decomposito.

C. serrata. *Lin. Sp. Pl.* 614. *Willden. Sp. Pl. v. 2.* 757. *Ait. Hort. Kew. ed. 2. v. 3.* 109.

C. cretica, folio oblongo fimbriato. *Dill. Elth.* 113. t. 95. f. 112.

Sedum creticum saxatile latifolium, flore purpurascente. *Tourn. Cor.* 19.

In rupibus insulæ Cretæ. 2.

Radix teres, crassiuscula, multiceps, perennis. *Caulis* glabri, simplices; *steriles* brevissimi, cæspitiosi, densè foliosi; *floriferi* palmares, aut ferè spithamæi, solitarii, erecti, teretes, rubicundi, laxiùs foliosi, apice racemosi, multiflori. *Folia* in caulibus nondum floriferis aggregata, numerosa, rosulas formantia, obovato-oblonga, plana, carnosa, avenia, glauca; margine tenui, cartilagineo, albo, plus minus inæqualitèr serrulato, aut fimbriato; in caule florifero alterna, erectiuscula, longè minora. *Stipulae* nullæ. *Racemus* terminalis, erectus, cylindraceus, *pedunculis* alternis, bi- vel trifloris, rarissimè quadrifloris, patulis, angulatis, glabris, bracteatis. *Bractea* sub singulo pedicello solitariae, parvæ, ovatae, acutæ, rubicundæ, deciduæ. *Flores* cernui, albo rubroque variati. *Calyx* quinquepartitus, laciniis ovatis, acuminatis, glabris, supernè coloratis, deciduis. *Corolla* semiquinquefida; tubo ovato-cylindraceo, longitudine calycis; limbi laciniis ovatis, acutis, æqualibus, recurvato-patentibus. *Stamina* decem, subulata, glabra, erecta, quorum quinque longiora, exserta. *Antheræ* reniformes, incumbentes, flavæ. *Germina* quinque, erecto-conniventia, lanceolata; extus convexa, glabra. *Styli* breves, erecti; *stigmatibus* simplicibus, obtusis. *Capsulae* in globum quinquesulcatum glabrum connatae, obtusè carinatae, uniloculares; apice mucronatae, patentes. *Semina* numerosa, obovato-oblonga, minutissima.